

թափվորին ընծայվող գոտու և գլխարկի հետ: Քավօրը հանձնում էր քթերը հարսին շորեր հագցնող կնոջը՝ մի քանի կոպեկ նրան նվեր տալով: Հարսնացուին հագցնում էին տան օթախում: Գոտին, ինչպես վերը նշեցինք, կապում էր քավօրը կամ սկեսրայրը: Գոտին կապողը երեք անգամ տանում էր գոտին հարսի գլխով աչից ձախ, վերցնում ոտների մոտից և այս հմայական մոգական արարողությունը կատարելուց հետո նորահարսի մեջքը կապում և մեջքին կամացուկ խփելով ասում՝

«Աստված մի դոչ տղա տա»⁴²:

Քավօրկիներ նորահարսի գլխին շարդաթի վրայից կապում էր քափը⁴³, որ մի նախշուն բազմերանգ ժապավեն էր՝ վրայից կախված ծօփէրավ:

Հնում և տղայի գլխին էին կապում քափը և ոչ միայն կրծքին օսկապը, և այդ պատճառով էլ պսակվողները կոչվում էին քափօր, քափուհի:

Նորահարսին դուրս էին բերում արդեն զգեստավորված և կանգնեցնում տան մեջ: Քափօրի կողքին մի մարդ էր կանգնում, որի կինը շքեր կամ մեռած չէր, որպեսզի այդ շարիքներից զերծ պահված լինի պսակվողը: Սկսվում էր պսակի կարգը: Քահանան շտապում էր եկեղեցի կարգի մնացած մասն աչնտեղ ամբողջացնելու համար: Քափօրն ու թափուհին շքում և համբույրում էին տան օջախը և ապա բոլորն էլ դիմում էին եկեղեցի: Այն դեպքերում, երբ որևէ պատճառով չէին գնում եկեղեցի, կամ գյուղում եկեղեցի չլինելու պատճառով կամ երբ չհասույթյունը արգելք էր հանդիսանում, պսակը կատարվում էր շրթին վառած մոմերով օջախի կամ քօրէնի մոտ:

Եկեղեցի գնալիս՝ քափօրի աջ կողմից գնում էր քավօրը մի մեծ մոմ ձեռքին, ձախ կողմից՝ փեսայապէրը, նույնպես մոմ բռնած, հարսը գնում էր փեսի ետևից: Աղջկա մի թևից հարսնախապէրն էր պահում, մյուս թևից՝ հարսնէֆնիրը, որոնք կամ իրոք հարսի եղբայրն ու քույրն էին լինում կամ նրանց փոխարինող մոտիկ ազգականները: Ապագայումն էլ նրանք պետք է ամենաջերմ կապեր պահպանեին այդ նորահարսի հետ, մանավանդ ախապէրը: Մրկընէրը շրջապատում էին նրանց մոմերը ձեռներին, երգելով, պարելով, գինի խմելով, ատրճանակ և հրացան կրակելով, անշուշտ ոչ այնքան իրենց ուրախությունը ցույց տալու, որքան դրանով ներս խուժելու ձգտող քաջքերին հեռու քշելու և նախանձ ու շարկամություն ունեցողների շար աչքից և հմայություններից պահպանելու համար: Առջևից գնում էր գոռնա-ղավալը բարձրաձայն նվագելով: Ամեն շարիքի առջև առնելու նպատակով հարսնախապէրը կամ հարսնէֆնիրը բռնում էին նորափեսայի փեշից և փեշի ծայրը պահում էին նորահարսի կրծքի առջև, որ պսակվողների միջով ոչ ոք չանցնի շարամտությամբ և շկտրի նրանց մեջ հաստատվող կապը, նրանք շփոխվէն և շկորցնեն սեռունդ ունենալու ընդունակությունը: Գնացքին մասնակցում էին բոլոր գյուղացիք: Տղայի և աղջկա ծնողները բացակայում էին:

Եկեղեցի հասնելով քավօրը ճի քանի կոպեկ էր տալիս ժամկոչին, որ դուր բաց ասի: Մրկընէրից մի քանիսը մնում էին դուրսը՝ չլինի՞ թե մեկը շար դիտավորությամբ քար նետի եկեղեցու վրա. մյուսները մտնում էին ներս: Պսակադրության միջոցին նորահարսն ու նորափեսան գինի էին խմում միևնույն ամանից—այսպիսով ամրացվում էր երկուսի միջև հաստատվող միասնությունը: Նույն նպատակով նրանք պիտի կանգնեին գլուխը գլխին տված և

⁴² Լալայեան Ե., Զանգեզուր, էջ 77, 78:

⁴³ Արծվանիկ, Գորիս: